

**2021EKO UZTAILAREN 1EAN UDALBATZA OSOAK EGINDAKO OHIKO BATZARRALDIAREN AKTA.**

**LEKUA:** Beasaingo Udaletxea.

**ARETOA:** Batzar Aretoa.

**EGUNA:** Bata

**HILABETEA:** Uztaila.

**URTEA:** Bi mila eta hogeita bat

**HASIERAKO ORDUA:** Arratsaldeko zazpiak

**BATZARRALDIAREN IZAERA:** Ohikoa.

**DEIALDIA:** Lehena.

**OSATZEN DUTEN PARTAIDEEN KOPURUA:** Hamazazpi (17)

**UDALBURUA:** LEIRE ARTOLA UGALDE

**BILDUAK:**

EAJ-PNV

- LEIRE ARTOLA UGALDE
- FRANCISCO JAVIER MATARRANZ RICO
- MARIA ELENA RUIZ ZABALA
- EDORTA DIAZ DEL RIO
- JON OLANO ARRESE
- ADUR UGARTEMENDIA LEUNDA
- AMETS ARROSPIDE ZUBELDIA
- AINARA AYESTARAN ALDASORO
- MIKEL PLAZAOLA OYARZABAL

Beasaingo EH Bildu

- NEREA MANZISIDOR MENDIZABAL
- HASIER AGIRRE ELKOROBerezibar
- YOLANDA HERNANDEZ RODRIGUEZ
- JOSEBA MIKEL OLANO GUEMBE

- AITOR URDANGARIN IRASTORZA

Socialistas Vascos-Euskal Sozialistak

- EVA ALVAREZ ATANES

- ANGEL REDONDO FERNANDEZ

**ETORRI GABEA:** MARIA LUISA VALLÉS FERNÁNDEZ (EAJ-PNV)

**IDAZKARIA:** Itziar Aroztegui Apaolaza

Bileran ere parte hartu dute Lurdes Alegria Lasa kontuhartzaileak.

**1.- AURREKO AKTA.** 2021-05-27

2021-05-27ko aktaren berri eman ondoren, Eva Alvarez Atanes andreak esan du “Loinatz eguneko zentroa. Covid-19ak eraginda aldi baterako itxieran emandako zerbitzuagatik GOXARA S.L.ri ordaintzeari” buruzko puntuan bozketaren emaitza, euskarazko bertsioan ondo badago ere, gaztelaniaz oker dagoela eta zuzentzea eskatu du.

Zuzenketa egitearen baitan, aho batez akta onartu da.

**2.- ANTOLAKUNTZA BATZORDEKO PROPOSAMENAK:**

a.- KREDITUEN ALDAKETA. 8 ZENBAKIKO KREDITU GEHIGARRIEN ESPEDIENTEA. 2021CRAD0008

Ezagutzera eman da Antolakuntza batzordearen proposamena, hots:

“Zerrendatutako gastuak gauzatzea premiazkoa denez -horien gauzatzea ezin baita atzeratu-, zerbitzu horiek egiteko erritmoa eteteak edo, hala badagokio, horien kudeaketa mailak behera egiteak kalte handiak sortuko bailituzke, eta hauek finantzatzeko aurrekontu kredituak nahikoak ez direla edo krediturik ez dagoela kontuan hartuz, proposamen hau egin da indarrean dagoen aurrekontu egiturari egokituta.

<b>Aurrekontuko kontusaila</b> Partida Presupuestaria	<b>Kontzeptua</b> Concepto	<b>Kredituak</b> Créditos		
		<b>Egunoak</b> Actuales	<b>Aldaketa</b> Modificación	<b>Behin betikoa</b> Definitivo
0220.480.231.00.01	Udal tasen inguruko laguntzak/ Ayudas tasas municipales	34.000,00	19.000,00	53.000,00
0110.644.920.01.01	GIS proiektuaren garapena/ Desarrollo proyecto GIS	0,00	18.150,00	18.150,00

0350.601.153.20.01	Azp. Eta urb.: Urbialde plaza/ Inf. Y urb.: Urbialde plaza	0,00	420.000,00	420.000,00
<b>GUZTIRA / TOTAL</b>		<b>34.000,00</b>	<b>457.150,00</b>	<b>491.150,00</b>

**KREDITU GEHIGARRIAK FINANTZATZEKO PROPOSAMENA**

<b>Sarrerren kontzeptuak edota gastuen kontu-sailak</b>	<b>Baliabidearen kontzeptua</b>	<b>Sarrera handiagoak/gastuetako bajak</b>
870.01	Gastu orokorretarako diruzaintzako gerakina	457.150,00
<b>GASTUEN GEHIKUNTZAK GUZTIRA</b>		<b>457.150,00</b>

Hiz egiteko txanda eman ondoren bildutakoek proposamenarekiko iritzi hauek azaldu dituzte:

Eva Alvarez Atanes andreak (Socialistas Vascos-Euskal Sozialistak): “En esta propuesta nos abstenemos. Estamos de acuerdo en que se aumenten las partidas de las dos primeras propuestas (ayudas a tasas municipales y desarrollo del proyecto GIS), pero tenemos nuestras dudas sobre los 130.000,00 que irán para terminar la obra de Urbialde. Pensamos que esta obra se debería de contratar de acuerdo a la Ley tal y como indica el informe de la Interventora, y así no se indica en el informe del técnico. Por ello nos abstenemos.”

Hasier Agirre Elkoroberezibar jaunak (Beasaingo EH Bildu): “Guk eskatu nahi dugu, ahal izan ezker, aparte bozkatzea.”

Kontuhartzailearen ustetan ez dago arazorik bi bozketa egiteko. Horren ondorioz bi bozketa egin dira: alde batetik udal tasen inguruko laguntzak eta GIS proiektuaren garapena eta bestetik Urbialdeko obrei lotutakoa.

GIS proiektua garatzeko eta udal tasen inguruko laguntzei buruz, bozketa egin da eta aho batez onartu da.

Jarraian Urbialde plazaren azpiegitura eta urbanizaziori buruzko bozketa egin da eta ondorengo emaitza lortu da:

Aldeko botoak: 9 (EAJ-PNV)

Aurkako botoak: 2 (Socialistas Vascos-Euskal Sozialistak)

Abstentzioak: 5 (Beasaingo EH Bildu).

Etorri gabea: 1 (EAJ-PNV)

Horren ondorioz gehiengo absolutuarekin ondorengo erabakia hartu da:

**Lehenik.** 8. Kreditu gehikuntzen bidez 457.150,00 euroko zenbatekoaz eta eranskinean zehazten den moduan finantzatzen den kreditu aldaketa hasiera batean onartzea, eta kapituluka honela laburtzen dena:

**GASTUAK**

Kap.	Izena	Euro
4	Transferentzia arruntak	19.000,00
6	Inbertsio errealak	438.150,00
<b>GASTUEN GEHIKUNTZA</b>		<b>457.150,00</b>

**SARRERAK**

Kap.	Izena	Euro
8	Finantza aktiboak	457.150,00
<b>FINANTZAZIOA</b>		<b>457.150,00</b>

**Bigarren.**- Aipatutako akordioa jendaurrean jartzea, 15 eguneko epean bidezkoak diren alegazioak aurkeztu ahal izateko. Alegaziorik jasoko ez balitz, behin-betirako onartutzat emango da.

b.- ERAGOZPENA EBAZTEA ETA KREDITUAK JUDIZIOZ KANPO AITORTZEA.  
2021ERET0002

Ezagutzera eman da Antolakuntza batzordearen proposamena, hots:

**“AURREKARIAK**

1.- *Udaleko kontuhartzaileak S2/2021 eragozpen etengarria eman du, eta hori ebaztea Udalbatzari dagokiola adierazi du.*

2.- *Eragozpenaren xede diren gastuen sail kudeatzaileko teknikariak justifikazio txostena egin du, 280.908,58 euro kopurukoak diren ondorengo lanak burutu direla adieraziz:*

MOYUA	PARTIDAS ACEPTADAS DEL PRESUPUESTO DE REPARACIONES (ACUERDO DIC. 2020)	EGINDAKO LANAK ETA FAKTURA BIDALI GABEKOA	188.123,87 €
MOYUA	PAGO PENDIENTE 4 CERTIFICACIÓN	2017-FAKT-002401-00	36.054,53 €
MOYUA	REFORMA JARDINERA (PARTERRE)	EGINDAKO LANAK ETA FAKTURA BIDALI GABEKOA	17.676,58 €
MOYUA	PRESUPUESTO MARZO 2021	2017-FAKT-002402-00	13.285,80 €
GAUSARK	Obra zuzendaritza	EGINDAKO LANAK ETA FAKTURA BIDALI GABEKOA	1.978,35 €
GAUSARK	Obra zuzendaritza 6 urte	EGINDAKO LANAK ETA FAKTURA BIDALI GABEKOA	17.545,00 €
JON ELORZA	ELORZA OBRA ETA ERREFORMAK	EGINDAKO LANAK ETA FAKTURA BIDALI GABEKOA	1.361,25 €
BIDEA ELEVACIONES	PLATAFORMA JASOTZAILEA	2019-FAKT-003457-00	3.915,21 €
ZYUR KOORDINAKETA	SEGURTASUN KOORDINAKETA	2020-FAKT-003423-00	968,00 €
			<u>280.908,58 €</u>

3.- *Jurisprudentzia errepikatua izatea, partikularrek Udalaren eskariz benetan egindako prestazioen ordaina jasotzeko duten eskubidearen alde, eta administrazio publikoa bidegabe aberastea saihestea.*

*Azaldutakoa kontutan izanik, Udalbatzaren onespenerako aurkezten da ondorengo*

## PROPOSAMENA

1.- *Udal kontuhartzaileak jarritako S2/2021 eragozpenaren ebazpena, kredituen judizioz kanpoko aintzatespena onartuz eta bide emanez adierazitako 280.908,58 euroko gastuak 2021eko aurrekontuan aplikatu ahal izateko, dagokion kreditu aldaketa espedientearen bidez.*

2.- *280.908,58 euro guztizko gastuak onartu eta dagokion kreditu aldaketa onartzen denean gastu horien ordainketa agintzea.”*

Hitz egiteko txanda eman ondoren, iritzi hauek adierazi dira proposamenarekiko:

Eva Alvarez Atanes andreak (Socialistas Vascos-Euskal Sozialistak): “En el informe de la Secretaria se indica que si no se abonan las obras realizadas por un particular, se produce un enriquecimiento injusto del Ayuntamiento, pero más adelante se especifica que eso ocurre porque el particular se halla en la creencia que esa obra le incumbe, como consecuencia de actuaciones realizadas por la Administración. Nosotros entendemos, tal y como recoge la doctrina que esta situación es puntual y extraordinaria, pero esta es la herramienta que permitiría pagar las facturas pendientes por la obra ejecutada en Urbialde. Tal y como dijo EH Bildu en la comisión es una herramienta que es extraordinaria pero es la segunda vez que se utiliza en este año. Está claro que los trabajos realizados hay que abonarlos. Lo explicado en la comisión informativa sobre cuál ha sido el motivo de tener que ejecutarlas, al parecer derivan de una mala ejecución de los trabajos de impermeabilización de la plaza. Ello deriva en que se tuvo que “hacer y deshacer”, engordando así los gastos de la obra y los daños en bajos y garajes, que creemos que habrán sido objeto de reclamación generando más gasto. ¿De quien es esta responsabilidad, de la empresa que ha ejecutado las obras, de la Administración o es de los ciudadanos por ser éstos los que terminan pagándolo?. Por ello votamos en contra.”

Hasier Agirre Elkoroberezibar jaunak (Beasaingo EH Bildu): “Gu abstenitu egingo gara. Enpresa bat dago egindako lanak kobratu behar dituenak eta iruditzen zaigu derrigorrez eman beharreko pauso bat dela zoritzarreko kudeaketa bati irtenbidea emateko. Formula bat planteatzen da, puntuala izan behar duena eta iazko urrian ere eman zena, jurisprudentziak esaten duenaren arabera, hau da, udalak ez aberastearena. Noski, ezin da aberastu baina kasu honetan gauzak gaizki egin direlako. Nik uste dut ezkututzen direla eta onartu egin beharko litzateke gauzak ez direla ondo egin. Hainbat gorabehera izan dira obra honetan. Obra esleipena egin zen, amaitu zen eta ez zuen eman espero zena. Ondorioz gehi kostua sortu da, ea %85ekoa. Egia da impermeabilizazio kontuetan akatsak egon daitezkeela baina kudeaketa ez da batere ona izan. Bizilagunei erantzun azkarra emateagatik kontratazioan irregulartasuna egon da. Beraz, salbuespeneko formula hau onartuko genuke baina hurrengo lizitazioa ea nola ateratzen den. Gelditzen diren obrak udaran egin nahi badira, gure zalantzak azaldu obra-exekuzioari buruz.”

Alkate andreak (EAJ-PNV): “Salbuespenako egoera, bai eta bigarren aldia horrelako espediente mota bat ekartzen duguna, baina kontuhartzailearekin hitz egin ostean esan espediente mota hau ere berria dela. 2015ean sartu ginenean Oriamendiko obrak 2014tik amaituta zeuden eta kalea irekita, baina obra likidatu gabe zegoen. Eta likidazio

horren ondorioz gertatzen da egindako obrak ordaindu egin behar direla. Bere garaian ez zen erabili espediente mota hau, momentu hartan ez genekielako, baina orduan ere espediente mota hau tartean ez bazegoen ere, ordaindu beharra izan zen.

Exekuzio txarra. Jakingo bagenu hemen benetan erantzukizuna norena den!. Parte asko egon dira, hasi proiektua egin zenetik. Esaten zaigu proiektuak bere hastapenean 800.000,00 €ko aurrekontua zuela eta eskatu zela 500.000,00 €tara jaistea eta aurrekontua horretara akotatu behar izan zela. Hitzarmen horren berri 2015etik geroago jakin genuen non sustatzailearen kontra erkidegoa ibili da hasieratik eta epaitegira joan zen, izan ere etxe haueko garajeak eraiki zirenetik ur-arazoak izan dituzte. Momentu batean Udalak erabaki zuen hor sartzea eta tratua izan zen, 100.000 € sustatzaileak eta gainerantzekoa udala eta bizilagunen artean erdibana. Horren ondorioz, obra konplexua izan da. Obrak hasi zirenetik eraikitze-sistema aldatu beharra izan da, impermeabilizazioa ere bai eta obra amaitu eta sei hilabete barru, lehenengo euriak hasi zirenean hasi zen ura garajeetara iristen eta batek baino gehiagok sufritu dute zer den beraien garajeetan ura edukitzea. Horren aurrean, zer?. Erantzukizun bila hasi eta bitartean garajeak geroz eta okerrago ezin erabiliz?. Erabaki zen pixkanaka-pixkanaka hastea. Konplexua izan da zeren eta ezjakintasuna zegoen zehatz mehatz zein irtenbide eman behar zitzaion konponketari. Fase bat egin zen eta ondorioa ona bazen, beste fase batekin hasi eta horrela lortu zen uraren iturri nagusienak ekiditea. Orain falta zaigu plazako hegoaldea. Horretarako ikastolatik hasi eta beste hainbat puntu konponduko dira. Enbarazuak sortu dira ikastolarentzat, eguneko zentroarentzat eta bizilagunentzat ere bai garaje batzuk ezin izan direlako erabili. 2015ean hasitako obra da eta falta den honetan konfiantza izan dezagun irailetik aurrera beste Urbialde bat izateko, garajeetan urik sartzen ez dena.”

Hasier Agirre Elkoroberezibar jaunak (Beasaingo EH Bildu): “Lehenengo esleipenetik ondorioztatutako obrak amaitu eta gero egin izan behar diren aktuzioa horiek ez dut uste bide ematen duenik 400.000,00 €tara iritsiko den konpontze batek, aurrekontuan aurreikusi gabe egitea inolako esleipenik gabe. Iruditzen zaigu badaudela saltatu ezin diren arauak. Oraindik bi urte falta dira legegaldia amaitzeko eta ez dugu nahi horrelako salbuespenik.”

Bozketa eginda, aho batez ondorengo emaitza lortu da:

Aldeko botoak: 9 (EAJ-PNV)

Aurkako botoak: 2 (Socialistas Vascos-Euskal Sozialistak)

Abstentzioak: 5 (Beasaingo EH Bildu).

Etorri gabea: 1 (EAJ-PNV)

Horren ondorioz, proposamena gehiengo osoarekin onartu da.

c.- ASEGURUEN KONTRATUAK LUZATZEA. 2018PEBO0026

Ezagutzera eman da Antolakuntza batzordearen proposamena, hots:

#### “AURREKARIAK

*I.- 2018-04-26. Udalbatza Osoaren erabakia lizitazio prozedura eta plegu 6ministrativo nahiz teknikoa onartzeari buruzkoa, Beasaingo Udalaren eta bere erakunde autonomoen aseguruak kontratatzeko.*

*II.- 2018-06-28. Lizitazio prozedura burutu ondoren, Udalbatza Osoak erabaki zuen, Aseguru pribatuen 1, 2, 3 eta 4 zatiak, hau da, higiezin eta higigarriei kalteak, erantzukizun zibila, ibilgailuak eta erraldoi eta buruhandi konpartsari asistentzia sanitarioa ematea ondorengoari esleitzea: SEGUROS LAGUN ARO, S.A.ri. esleitzea eta*

Aseguru pribatuen 5. Zatia, hau da, kargu publiko eta enplegatuen erantzukizun zibil profesionala; ondorengoari esleitzea: AIG EUROPE LIMITED SUCURSAL EN ESPAÑA.

III.- Lizitatzailleek Kontratu Legearen 150. Artikuluan aurreikusitako dokumentuak aurkeztu ondoren, Alkateak (plenoak horretarako baimena eman da), uztailaren 24an Ebazpena eman zuen behin betiko esleipena eginez.

IV.- 2018-08-21ean, SEGUROS LAGUN ARO, S.A.rekin eta AIG EUROPE LIMITED SUCURSAL EN ESPAÑA zegozkion kontratuak sinatu ziren. Bi kasutan egikaritze epea ondorengo izanik: bi urtekoa, 2018ko IRAILAREN 1etik kontaktzen hasita, baina kontratua beste hiru urtetan luzatzeko aukerarekin. Luzapenak urte betekoak izatea aurreikusten da eta espresuki kontratazio organoarekin adostuak izan beharko dira. Enpresariarentzat derrigorrezkoak izango dira, beti ere, bere aurre-abisua kontratuaren iraupen epea amaitu baino bi hilabete lehenago egiten bada.

V.- 2018-10-30ean, SEGUROS LAGUN ARO, S.A.rekin kontratua aldatzen da, aseguratutako ondasunen artean Loinatz futbol zelaia aurreikusteko. Gehitutako ondasunagatik primaren kostua, 1.071,62 €koa da. Ondasun aseguruaren prima 2019-09-01eraino, 36.735,25 €koa da. Hurrengo ekitaldietarako, aldiz, 36.794,06 €koa izango da.

VI.- 2020ko ekainaren 29an Osoko Bilkuran onartu zen kontratuaren lehenengo luzapena 2021eko abuztuaren 31 arte. Kontratuaren arduradunak (Antolakuntza eta GGBB arduraduna), 2021-05-27an txostena eman du adieraziz ezarritako helburuak behar bezala eta osorik bete direla eta kontratua beste urtebetez luzatzea proposatzen dela. Bestalde Idazkaritzak 2021eko ekaninaren 21eko datarekin txosten eman du adieraziz zilegi dela kontratua luzatzea beste urte betez, baina kontratuen bi aldean artean adostuak izan beharko direla. Enpresariarentzat derrigorrezkoa izateko, aurre-abisua kontratuaren iraupen epea amaitu baino bi hilabete lehenago egin behar da.

VII.- Baldintza pleguaren 6. Artikuluaren arabera, prezioa berrikusteko aukerarik ez dago. Primaren kopurua bakarrik aldatuko da aseguratutako ondasunen kopuru aldaketak daudenean, (bajak eta gehitzeak), edota Udal aurrekontuko Quantuma aldatzen denean kontratazio organoak ekintza honetarako ahalbidetu duen Alkatearen aurreiazko onarpen espresuarekin.

## OINARRI JURIDIKOAK

Kasu honetan, azaroaren 8ko 9/2017 Legea, Sektore Publikoaren Kontratuak arautzen duena aplikatu behar da (29. Artikulua). Luzapena aurreikusita egon behar da eta espresuki erabakia hartu behar da. Ezin dena da, tazituki luzatzea. Luzapena IV. Aurrekarietan esanda bezla, baldintza 7ministrativo pleguaren 2. Artikuluan eta kontratuetan aurreikusia dago.

Beraz, Antolakuntza batzordeak, kontuan izanik, luzapena, organo kontratatzaileak berariaz onartu behar duela, Udalbatza osoari ondorengo erabaki-proposamena egiten dio:

**Lehenik**. 2018-08-21ean, SEGUROS LAGUN ARO, S.A.rekin eta AIG EUROPE LIMITED SUCURSAL EN ESPAÑA sinatutako kontratuak egikaritze epea ondorengo izanik: bi urtekoa, 2018ko IRAILAREN 1etik kontaktzen hasita, kontratua luzatu egingo da beste urtebete. Luzapena espresuki kontratazio organoarekin adostuak izan beharko dira. Enpresariarentzat derrigorrezkoak izango dira, beti ere, bere aurre-abisua kontratuaren iraupen epea amaitu baino bi hilabete lehenago egiten bada.

**Bigarren.** Luzapenaren epea urtebetekoa izatea, hau da, 2022ko abuztuaren 31 arte.

**Hirugarren.** Alkateari baimena ematea, kontratuaren luzapena sinatzeko.”

Hitz egiteko txanda eman ondoren, bildutakoek proposamenarekiko adostasuna azaldu dute.

Bozketa eginda, aho batez onartu da proposamena.

### **3.- HERRITARRAK BATZORDEKO PROPOSAMENAK:**

a.- DIRULAGUNTZAK. BEASAINGO UDALERRIAN DIHARDUTEN ELKARTEENTZAKO LAGUNTZAK ARAUTZEKO OINARRIAK, GIZARTE-ARLOKO JARDUERAK EDO/ETA PROGRAMAK GARATZEKO ETA ELKARTEEN OHIKO FUNTZIONAMENDUKO MANTENTZE-GASTUETARAKO. 2021BIBO0008

Ezagutzera eman da Herritarrak batzordearen proposamena, hots:

“

#### **AURREKARIAK**

*I.-Beasaingo Udala beti aritu da elkarlanean gizarte arloan lanean diharduten herriko elkarteekin eta horretarako urtez-urte bere aurrekontuetan erakundeei diruz laguntzeko partida kontsignatu du.*

*II.-Orain arte, Udalak erakunde horiei laguntza ekonomikoa ematen zien beren jardueran laguntzeko, hitzarmenak sinatuz.*

*III.-Diru-laguntzei buruzko azaroaren 17ko 38/2003 Lege Orokorraren 22. Artikulua kontuan hartuta, diru-laguntzak emateko ohiko prozedura norgehiagoka-erregimenean izapidetu behar da.*

*IV.-0220.481.231.00.02 kontusail espezifikoa 18.124 euroko kreditua kontsignatu da “Erakundeei diru laguntza” emateko.*

#### **LEGERI APLIKAGARRIA**

*-2/2016 Legea, apirilaren 7koa, Euskadiko Toki Erakundeei buruzkoa. Udallerrien eskumen propioak, 17. Artikulua.*

*-Diru-laguntzei buruzko azaroaren 17ko 38/2003 Lege Orokorra.*

*-Uztailaren 21eko 887/2006 Errege Dekretuak onartutako Diru-laguntzen Erregelamendu Orokorra.*

*-Diru-laguntzak arautzen dituen udal-araua.*

*-Beasaingo Udalaren Dirulaguntzen Plan Estrategikoa 2020-2022.*

**PROPOSAMENA:**



*Herritarrak batzordeak Osoko Bilkurari ondorengo erabaki proposamena egiten dio:*

Lehenik: *Beasaingo gizarte arloko erakundeei laguntzak emateko oinarriak onartzea*

Bigarrenik: *Deialdia egitea, oinarriak argitaratuz.*”

Hitz egiteko txanda eman ondoren, iritzi hauek adierazi dira proposamenarekiko:

Nerea Manzisidor Mendizabal andreak (Beasaingo EH Bildu): “Guk batzordean azaldu genuen gure kezka eta da ea partida handitzeko aukera dagoen. Aurreratu zitzaigun printzipioz, ezetz eta eta aurretik elkarteek eskatutako diru kopuruaren batura zela, nahiz eta susmoa egon beste bi elkarteek ere eskaera egitearena. Iruditzen zitzaigun partida nahiko eskasa gelditzen dela. Kontuan izan behar da gainera elkarte mota hauek pandemiaren eraginez beste proiektu batzuk aurkeztuko dituztela. Hainbat kasuetarako begiratzen dugu jurisprudentzia eta bilatzen dugu aukera kreditu aldaketa egiteko interesen arabera eta hau aldiz iruditzen zaitgu 18.000,00 € oso murrizta geratzen dela bizi dugun egoera kontuan izan da. Ados gadue oinarriak egitearekin baina aurreikusten den dirua eskasa iruditzen zaigu. Ez handitzearena ez dugu partekatzen. Onoiz baino gehiago egin beharko genuke bultzatzen herriko elkartei laguntzeko. Bere horretan uzten bada, abstenitu egingo gara.”

Alkate andreak (EAJ-PNV): “Zenbateko hau aurreko urteetan emandako dirulaguntzen baturatik atera da. Has gaitezen honekin eta ikusten badugu aurkeztu diren batzuk kanpoan geratzen direla, datorren urtean berriro oinarriak ateratzen ditugunean partida gehituko dugu.”

Nerea Manzisidor Mendizabal andreak (Beasaingo EH Bildu): “Bai baina ez dakigu aurten zer eskatuko duten.”

Alkate andreak (EAJ-PNV): “Esan bezala datorren ekitaldiarako kontuan hartuko dugu.”

Bozketa eginda, ondorengo emaitza lortu da:

Aldeko botoak: 11 (EAJ-PNV, Socialistas Vascos-Euskal Sozialistak)

Aurkako botoak: 0

Abstentzioak: 5 (Beasaingo EH Bildu).

Etorri gabea: 1 (EAJ-PNV)

Horren ondorioz, gehiengo osoarekin “Beasaingo udalerrian gizarte arloan lan egiten duten elkartei dirulaguntza emateko” oinarri hauek onartu dira:

#### “ZIOEN AZALPENA

Euskadiko Toki Erakundeei buruzko apirilaren 7ko 2/2016 Legeak, 17,1 artikuluan, udalerraren eskumen propio gisa aurreikusten du:

- 10) Osasun publikoa sustatzea, kudeatzea, defendatzea eta babestea.
- 14) Diru-sarreraren bermea eta gizarteratzea antolatzea, programatzea eta kudeatzea
- 37) Garapenerako lankidetzatza alorreko politikak planifikatzea, antolatzea eta kudeatzea.

Horretan oinarrituta, Udalaren helburua da mendekotasun egoeran, zaugarritasun egoeran, babesgabatasun arriskuan eta gizarte bazterketako egoeran dauden kolektiboen beharrei aurre egiten eta arazo espezifikoak konpontzen lagunduko duten ekintzak sustatzea, bai eta elkartasuna sustatzeko sentsibilizazio-ekintzak sustatzea ere. Zehazki, helburu hauek dituzten jarduerak:

- Elkarte-bizitza bultzatzea.
- Herritarren arteko elkartasuna sustatzea.
- Beasaingo herritarren ongizatean laguntzea.

Horretarako, dirulaguntzak emateko oinarri hauek prestatu dira, eta aurrerago adieraziko dira, honako hauek kontuan hartuta:

-Dirulaguntzei buruzko 38/2003 Lege Orokorra eta hura garatzeko erregelamendua, 887/2006 Errege deketuaren bidez onartua.

-Dirulaguntzak arautzen dituen Udal Ordenantza (2018/06/14GAO).

-Beasaingo udaleko dirulaguntzen Plan estrategikoa 2020-2022 (1. Helburu estrategikoa: gizarte-ekintza sustatzea. 1.5 Dirulaguntza ildoak: Gizarte-lankidetzak eta garapenerako laguntzak).

#### 1.- Xedea

Oinarri hauen xedea Beasaingo udalerrian diharduten elkarteentzako laguntzak arautzea da, gizarte-arloko jarduerak edo/eta programak garatzeko eta elkarten ohiko funtzionamenduko mantentze-gastuetarako.

#### 2.- Aurrekontua

0220.481.231.00.02 kontusail espezifikoan "Erakundeei dirulaguntza" 18.124 euroko kreditua kontsignatu da.

#### 3.- Erakunde onuradunak.

Oinarri hauek ezarritako dirulaguntzak eskatu ahal izango dituzte nortasun juridikoa duten eta irabazi-asmorik ez duten erakundeek (elkarateek), baldin eta udalerrian gizarte arloan lan egiten badute eta egoitza edo ordezkaritza iraunkorra Beasainen badute.

Erakunde horiek egunean izan beharko dituzte Gizarte Segurantzarekiko eta Udal eta Foru Ogasunarekiko betebeharrak.

#### 4.- Diruz lagundu daitezkeen gastuak

- a) Beasainen beasaindarren interes orokorrak edo sektorialak defendatzeko garatzen diren gizarte arloko jarduerak edo programak.
- b) Elkarten ohiko funtzionamendua mantentzeko gastuak (gehienez 1.100 €).

Erakunde batek gehienez ere 3.000 euroko dirulaguntza jaso ahal izango du bi kontzeptuengatik.

Gizarte arloko jarduerak edo programak hartuko dira:

- Mendekotasun-egoeran, ahultasun-egoeran, babesgabatasun-arriskuan eta gizarte-bazterketako egoeran dauden kolektiboen beharrak arintzen eta arazo espezifikoak konpontzen laguntzen duten ekintzak.
- Elkartasuna sustatzeko sentsibilizazio-ekintzak.

Programatutako jardueretan euskararen erabilera sustatuko da eta kontuan hartuko dira Emakumeen eta Gizonen berdintasunerako otsailaren 18ko 4/2005 Legean eta lege hori aldatzen duen otsailaren 16ko 3/2012 Legean araututako berdintasun-irizpideak.

5.-Hautaketarako irizpideak.

Proiektuak behar bezala baloratzeko ondorengo hautaketa irizpideak egiaztatzen duten datu/agiri guztiak aurkeztu beharko dira.

Gehienezko puntuazioa 100 puntukoa da.

Gutxienez 30 puntu lortzen dituzten erakundeek jaso ahal izango dute dirulaguntza.

Banaketa- eta puntuazio-irizpideak:

1. Ordezkaritza, hau da, elkarteari atxikitako Beasaingo bazkide edo/eta pertsona boluntarioen kopurua.
  - 5 arte:20 puntu
  - 10 arte: 25 puntu
  - 15 arte:30 puntu
  - 20 arte: 35 puntu
  - 30 arte: 40 puntu
2. Dirulaguntzaren xede den jardueraren edo programaren helburuek herritarrengan duten interes- edo baliagarritasun-maila.

-Zaurgarritasun-egoeran dauden pertsonentzako proiektuak (bazterkeria, immigrazioa, hirugarren adina eta adingabeak).

Atal honetan honako hauek baloratuko dira:

1.- Jardueren aldizkakotasuna

- Egunero: 25 puntu
- Astero: 20 puntu
- Hilabetero: 15 puntu
- Bi hilean behin: 10 puntu
- Hiru hilean behin: 5 puntu
- Maiztasun gutxiagorekin: 0 puntu

2.- Beste herriko elkarte batzuekin lankidetzak.

- Elkarte batekin: 2 puntu
  - Bi elkartekin: 5 puntu
  - Hiru elkartekin: 10 puntu
  - Hiru elkarte baino gehiagorekin: 15 puntu
- Elkartasuna sustatzeko proiektuak, herritarrei oro har zuzenduta eta beste herriko elkarte batzuekin lankidetzak.

Atal honetan honako hauek baloratuko dira:

### 1.- Jardueren aldizkakotasuna

- Egunero: 25 puntu
- Astero: 20 puntu
- Hilabetero: 15 puntu
- Bi hilean behin: 10 puntu
- Hiru hilean behin: 5 puntu
- Maiztasun gutxiagorekin: 0 puntu

### 2.-Beste herriko elkarte batzuekin lankidetzak.

- Elkarte batekin: 2 puntu
- Bi elkartekin: 5 puntu
- Hiru elkartekin: 10 puntu
- Hiru elkarte baino gehiagorekin: 15 puntu

### 3. Gaitasun ekonomiko autonomia eta beste erakunde publiko edo pribatu batzuetatik jasotzen dituzten laguntzak.

- Beasaingo Udalak bakarrik finantzaturako proiektua edo programa (10 puntu).
- Beasaingo Udalak eta erakunde eskatzaileak finantzaturako proiektua edo programa (15 puntu).
- Beasaingo Udalak eta beste erakunde publiko edo/eta pribatuek finantzaturako proiektua edo programa (20 puntu).

Oinarri hauetan araututako laguntzak norgehiagoka-erregimenean emango dira, hau da: aurkeztutako eskabideak alderatuko dira, lehentasun-hurrenkera bat ezartzeko, adierazitako balorazio-irizpideen arabera, eta erakunde eskatzaile bakoitzeko 3.000,00 euroko mugarekin. Eskatutako zenbatekoa txikiagoa bada, laguntzak ez du inoiz zenbateko hori lortuko.

Lortutako puntuazioaren eta eskatutako zenbatekoaren arabera emango da dirulaguntza kreditua agortu arte.

### 6.- Eskaerak. Agiriak.

Eskaerak Udaletxean aurkeztu behar dira, honako agiri hauekin batera:

-Eskaerari dagokion inprimaki ofiziala, erakunde sinatzailearen ordezkari izateko legezko gaitasuna duen pertsonak sinatua.

-Laguntzea eskatzen den ekintza edo programari buruzko txosten zehatza. Txostenak, 1990. Urtean Beasaingo Udalak onartutako Euskararen Udal Ordenantzaren 15. Artikuluari jarraiki, euskaraz idatzita egon beharko du.

-Dirulaguntza eskatzen den proiektu, jarduera edo programa espezifikoen gastu eta diru-sarreraren aurrekontua. (Eranskina I)

-Erakunde eskatzailearen IFKren kopia.

-Erakunde eskatzailearen estatutuak. Estatutuak, diru-laguntza lehenengo aldiz eskatzen duten erakundeek eta estatutuetan aldaketaren bat egin duten erakundeek bakarrik aurkeztu beharko dituzte.

-Sinatzailea erakunde eskatzailearen ordezkari dela egiaztatzen duen agiria.

-Eskatzailea, dirulaguntzaren onuradun izaera lortzeko azaroaren 17ko 38/2003 legeko 13. Artikuluak adierazitako debekuetan sartuta ez egotearen erantzukizuneko aitortpena. (II. Eranskina)

Dirulaguntzei buruzko 38/2003 Lege Orokorraren Erregelamendua onartzen duen uztailaren 21eko 887/2006 Errege Dekretuaren 22 artikuluan eskatzen den egiaztapena, dagokion Ogasunarekiko zerga-betebeharrak eta Gizarte Segurantzarekikoak egunean izatearen inguruan, Udalak egiaztatuko du datuen bitartekaritzarako plataformetan edo horretarako gaitutako beste sistema elektronikoko batzuetan kontsulta eginez.

Hala ere, onuradun eskatzaileak berariaz egin ahal izango dio aurka egiaztapen horri; kasu horretan, izaera hori egiaztatzen duten ziurtagiri eguneratuak aurkeztu beharko ditu bere kabuz.

7.- Eskakerak aurkezteko epea.

Oinarriak BDNSra bidaliko dira, eta GAO-n argitaratu eta hurrengo egunetik aurrera, eskabideak aurkezteko epea zenbatzen hasiko da 2021eko abuztuaren 31a arte.

Eskakerak, telematikoki aurkeztu beharko dira Beasaingo Udalaren [www.beasain.eus](http://www.beasain.eus) helbidean.

Udalak ikusiko balu, eskaera osatu gabe dagoela, 10 egun balioduneko epea emango dio eskatzaileari falta direnak aurkezteko edo osatu gabeak osatzeko. Epe hori amaitzen denean huts horiek zuzendu gabe baleude, eskaera artxibatu egingo da beste izapiderik egin gabe.

8.- Proposamenak egin eta ebatzea.

Eskatutako agiriak aurkeztu ondoren Gizarte Ongizate Azpiarloak txosten bat egingo du jasotako eskaerez eta proposamena egingo dio Alkatezari hark ebatz dezan.

Oinarri hauetan zehaztutako dirulaguntzak bateragarriak izango dira beste erakundeek emandako laguntzekin. Kasu horretan, Udalari jakinarazi behar zaio.

9.- Erakunde eskatzaileari jakinarazteko epea.

Alkatezak hartutako ebazpena behar bezala jakinaraziko zaio dirulaguntzaren eskatzaileari, eskabideak aurkezteko epea amaitu eta gehienez ere 2 hilabeteko epean.

Administrazio bidean behin-betikoa den ebazpenaren aurka helegite Kontentzioso-Administratiboa jar daiteke Gipuzkoako Administrazioaren aurkako Auzi gaien Epaitegiaren aurrean, bi hilabeteko epearen barruan, jakinarazpena jasotzen den hurrengo egunetik hasita. Hala nahi izan ez gero, bide kontentzioso administratiboari ekin aurretik, birjarpen helegitea tartekar ahal izango da ebazpen eman zuen organoaren aurrean hilabeteko epean, jakinarazpena jaso eta biharamunetik hasita.

10.- Ordaintzeko modua.

Dirulaguntzaren % 100a, ebazpen-datatik zenbatutako ondorengo bi hilabeteen barruan ordainduko da.

11.- Dirulaguntza egiaztatzea.

Dirulaguntza zuritzeko garaian kontuan hartu beharreko kopurua aurkeztutako proiektu osoarena izango da.

Erakunde onuradunek ondoren aipatzen diren agiriak aurkeztu beharko dizkiote Udalari:

- A) Burututako programari edo jarduerari buruzko memoria xehea euskaraz. ( Eranskina III).
1. Egindako jarduerak eta egutegia.
  2. Dirulaguntzaren xede den programa gauzatu dela egiaztatzen duen dokumentazioa (argazkiak, kartelak, programak...)
  3. Artatutako Beasaindar pertsonen kopurua (emakumezkoak, gizonezkoak), ekintza bakoitzeko.

B) Justifikazio-kontu sinplifikatua: jardueran izandako gastu eta inbertsioen zerrenda xehatua hartzekoduna eta agiria, zenbatekoa, egite data eta, hala badagokio, ordainketa data adieraziz. . Dirulaguntza aurrekontu zenbatetsiaren arabera ematen bada, gertatutako desbideratzeak adieraziko dira (III.eranskina).

Dirulaguntza ematen duen organoak, egokitzat jotzen dituen laginketa-tekniken bidez (diru-laguntzaren zenbatekoaren % 40 osatzen duten fakturak eta 400 €-tik gorako 5 faktura), egiaztatuko ditu justifikaziorako egoki deritzan agiriak eta dirulaguntza behar bezala erabili dela. Horretarako, onuradunari eskatu diezaioke berak hautatutako gastu frogagiriak bidaltzeko.

Diruz lagundutako jardueretan kantitate txikiko gastuetan faktura osoak aurkezteko zailtasunak daudenean, faktura sinplifikatuak (aurreko tiketa) onartu daitezke hauekin batera elkartearen aitortpena aurkeztuz jarduerarekin loturiko gastuak direla eta betik ere fakturatzeko betebeharra arautzen duen Erregelamendua, azaroaren 30eko 1619/2012 Errege Dekretuak jarraituz. (IV. Eranskina)

C) Lortutako dirulaguntza, laguntza, diru-sarrera edo baliabideek finantzatzekoak ziren jardueren kostuak ez dituztela gainditzen adierazten duen erantzukizuneko aitortpena.(IV. eranskina).

D) Helburu berdinerako beste laguntzarik jaso ez izanaren ziurtagiria, edota bestela, adierazi bereziki zer laguntza jaso diren. (IV. Eranskina).

E) Hala badagokio, aplikatu gabeko gerakinen kasuan, itzultzeko ordainketa-gutuna eta horien ondoriozko interesak.

12- Egiaztatzeko epea.

Aurreko artikuluan eskatutako agiriak, dirulaguntzaren deialdiko urtearen hurrengo urteko urtarilaren 31rako aurkeztu beharko dira.

13- Betebeharrak ez betetzea.

Oinarri hauetan aurreikusitako betebeharretakoren bat ez betetzeak erabakia berrikustea ekarriko du eta hala behar izanez gero, emandako dirulaguntza deuseztatzea, gutxitzea edo itzularaztea.

14- Errekurtsoak

Oinarri hauen aurka helegite Kontentzioso-Administratiboa jar daiteke Gipuzkoako Administrazioaren aurkako Auzi gaien Epaitegiaren aurrean, bi hilabeteko epearen barruan, oinarriak argitaratzen diren hurrengo egunetik hasita. Hala nahi izan ez gero, bide kontentzioso administratiboari ekin aurretik, birjarpen helegitea tartekar ahal izango da onartu zituen organoaren aurrean hilabeteko epean, argitaratu eta biharamunetik hasita.”

Jarraian eskaera orri-eredua azaltzen da.

b.- BALDINTZA PLEGUAK ETA DEIALDI PUBLIKOA EGITEA ONDORENGOA KONTRATATZEKO: PLAZAPE TABERNAREN USTIAPENA, BEASAINGO UDALAREN JABETZAKOA, ONDOKO KOMUN ETA DUTXA PUBLIKOekin BATERA, ETA PLAZAREN (AZPIA PLAZA ETA ZUBIMUZU) ETA MERKATUAREN DINAMIZAZIOA. 2020IBO0032 eta 2021BOCU0016

Ezagutzera eman da Herritarrak batzordearen proposamena, hots:

“1.- 2021-05-06. Udalbatza Osoaren erabakia lizitazio prozedura eta plegu administratibo nahiz tekniko onartzeari buruzkoa (prozedura irekia), aipatutakoa kontratatzeke.

2.- 2021-05-11. Euskadiko kontratazio plataforman lizitazioa iragartzea.

3.- 2021-05-31. Proposamenak aurkezteko azken data.

4.- Data horretan enpresa lizitatzailerik bakarrik aurkeztu da: ARDOA ETA AZOKA, S.L.

5.- Idazkariak A kartazalaren dokumentazioa kalifikatu eta aurkeztutako DEUC dokumentua aztertuta, ondorengoa azaltzen da:

<b>PLEGUAN ESKATZEN DENA</b>	<b>DEUC-EN AITORTURTAKOA. AZTERKETA</b>	<b>ERREKERIMENDUA</b>
Urteko negozio-bolumena, erabilgarri dauden <u>azken hiru ekitaldietako</u> ekitaldi onenari dagokiona, 21.300,00 €-koa edo handiagoa.	Número de años: 3 Volumen de negocios medio: 249099 €	1.- <u>Adierazi</u> diru kopuru hori azken 3 erabilgarri ekitaldietako zein urtetakoa den
Gehienez azken hiru urteetan egindako zerbitzu edo lan nagusiak, kontratuaren xede direnen antzekoa, baina bakarrik <u>ostalaritza jarduera ustiatzeari</u> buruzkoak.	Ez da ezer aitortu	2.- <u>Adierazi</u> azken 3 urteotan zein zerbitzu eman diren
Lizitatzaileraren <u>idatzizko konpromisoa</u> onartuko da, kontratua esleitu aurretik, taberna zerbitzuaren prestazioari atxikitako <u>langileak eta koordinatzailea identifikatzeko</u> eta aipatutako baldintzak betetzen dituztela egiaztatzeke.	Ez da ezer aitortu	3.- Idatzizko konpromisoa aurkeztu, zerbitzuari atxikituko diren langileak eta koordinatzailea identifikatu eta adieraziz eskatzen diren baldintzak beteko dituztela.

Hori dela eta, 2021-06-03ko datarekin lizitatzailerari errekeritu zitzaion **adierazitako hiri dokumentuak** aurkezteko eta baita ere **enpresa eratzeari buruzko eskritura** non azaltzen den enpresaren helburua soziala, izan ere, baldintza pleguko 8. artikulua arabera lizitatzailerak kontratuaren xede diren zerbitzuak eskaintzeko behar diren gaitasun enpresarialak eta profesionalak eduki behar dituzte.

Dokumentazioa aurkezteko **epemuga: 2021-06-08.**

2021-06-2021, lizitatzailerak dokumentazio hau aurkeztu zuen:

- 1.- DEUC berria, non adieraten den aitortuako negozio-bolumena 2019koa dela eta emandako zerbitzuak 2010etik honuntz Plazape tabernan emandakoak direla.
- 2.- Enpresaren IFKaren kopia.
- 3.- Enpresa bazkideen nortasun agiriak.
- 4.- Zerbitzuari atxikiko diren pertsonen identifikazioa (4) eta elikagaia maneiatzeko lizentzia.
- 5.- Erantzukizun zibileko poliza.
- 6.- ARDOA ETA AZOKA, S.L., enpresa eratzeari buruzko eskritura, non adierazten den helburu soziala ondorengoa dela: “explotación de negocio hosteleru”.
- 7.- B artxibo elektronikoari dagokion dokumentazioa, hau da: 3. Eranskina, orain arte komunitate egindako hobekuntzak, proposatzen diren hobekuntzak aurrekontuarekin, jarduera memoria aurrekontuarekin batera eta jardueren urteko egutegia.

Idazkariak honen berri eman du: aurreko atalean aipatutako 1etik 4ra doazen dokumentuak ontzat ematearen kalterik gabe, lehen esan den bezala, lizitatzailerak kontratuaren xede diren zerbitzuak eskaintzeko behar diren gaitasun enpresarialak eta profesionalak eduki behar dituzte.

Plegu administratiboaren 8. artikuluan adierazten den moduan, “Persona juridikoak erakundearen sortze-estatutu edo -arauei jarraikiz dagozkien xede, helburu edo jarduera-esparruekin zerikusia duten kontratuen esleipendun bakarrik izan daitezke.”

Hori da hain zuzen ere arrazoiak, ezaugarrien koadroan esleipendunari eskatzea ekonomia-jardueren gaineko zergan, ostalaritzaren epigrafean eta kultura-jardueren epigrafean alta eman beharra.

Kasu honetan, enpresa lizitatzaileraren helburu sozialak bakarrik aurreikusten du kontratuaren lehenengo helburua (Plazape tabernaren ustiapena), baina ez plaza (azpia eta Zubimuzu) eta merkaturaren dinamizazioa.

Lehenengoari CPV kodigo hauek dagozkie: 55330000-2: kafetegi zerbitzuak, 55410000-7: tabernak kudeatzeko zerbitzuak.

Bigarrenengoari hau: 92000000-1: kultura- eta kirol-aisialdiko zerbitzuak.



*Bi zerbitzuak emateko aukera egongo zen, proposamenak aurkezteko azken data amaitu baino lehen enpresaren helburu soziala aldatuta, beste entitateko ahalmenaz baliatuz edo UTEan aurkeztuz.*

*Horrezaz gain ez dagokio A artxibo elektronikoan B artxibo elektronikoari dagokion dokumentazioa atxikitzea.*

*Horren ondorioz, ez dagokio ARDOA ETA AZOKA, S.L.ri lizitazioan parte hartzen uztea. Beraz, proposatzen dena da **kontratua hutsik uztea lizitatuak enpresa-gaitasuna ez izateagatik.***

*Hori dela eta lizitazio berria ateratzeko pleguak egin dira. Aurrekoaren berdinak, proposamenak aurkezteko epea izan ezik. Aurrekoan 20 eguneko bazen, kasu honetan 15 eguneko da.*

*Hitz egiteko txanda eman ondoren, bildutakoek proposamenarekiko adostasuna azaldu dute.*

*Bozketa eginda, aho batez onartu da lizitazio berriaren baldintza pleguak eta deialdi berria egitea.*

#### c.- UDAL EUSKALTEGIAN 2021-2022 IKASTURTEAN APLIKAGARRI IZANGO DIREN TARIFEN ONESPENA.

*Ezagutzera eman da Herritarrak batzordearen proposamena, hots:*

*“GAIA: Beasaingo Udal Euskaltegian 2021-2022 ikasturtean aplikagarri izango diren tarifaren onespena.*

*Herritarren Batzordeak 2021eko ekainaren 24an egindako bileran, Gipuzkoako Toki Ogasunei buruzko uztailaren 5eko 11/1989 Foru Arauan xedatutakoa betez, Udalbatzaren onespenerako aurkeztu du **UDAL EUSKALTEGIAK 2021-2022 ikasturtean Beasaingo Udal Euskaltegiko irakaskuntza zerbitzuengatik aplikatuko diren tasei buruz hartutako akordio-proposamena. Hemendik aurrera tasa hauek aplikatuko dira tasa aldaketa eskatu ezean.***

#### **AURREKARIAK:**

*Beasaingo Udal Euskaltegiak martxoko KPI igoera aplikatzea proposatzen du, %1,4ko igoera hain zuzen ere.*

*Ondoren, zehazten dira Beasaingo Udal Euskaltegian 2021-2022 ikasturtean ikastaro desberdinei aplikatuko zaizkien tasak eta ordainketako baldintzak. . 2021/2022 ikasturtean, orduko 1,30€ kobratuko da aurrez aurreko ikastaro orokorretan.*

*Auto-ikaskuntza ikastaroetan, orduko 2,30€ kobratuko da.*

*AISA ikastaroetan kopuru finkoa kobratzen da, 34,50€, HABEk ezarritakoa.*

*Materiala urritik ekainera bitarteko ikastaroetan: 25,66€. Udako ikastaroan, 12,83€ izango da. Ikastaro laburragoetan materiala ikastaroaren iraupenaren proportzioan kobratuko da.*

- *Ikasturte osoko ikasleek matrikula-kopurua hileko 8 kuotatan banatuta ordainduko dute, azarotik ekainera.*
- *Beasainen erroldatutako ikasle langabetuek ez dute matrikula ordainduko, aldez aurretik ezarritako baldintzak betez gero. Baldintza horiek bete ezean, matrikula kobratuko zaie ( I ERANSKINA)*
- *Urtarrileko deialdian matrikulatzen diren ikasleek bost kuotatan ordainduko dute matrikula, otsailetik ekainera, alegia.*
- *Ikasturte laburretan matrikulatuta dauden ikasleek matrikula kopurua kuota gutxiagotan ordainduko dute. Kuota kopurua ikastaroaren iraupenaren arabera izango da.*
- *Udako ikastaroak:  
Udako ikastaroetan, ordainketa ikastaroaren lehenengo 7 egunetan egin beharko da.  
Beasainen erroldatutako ikasle langabetuek, kasu honetan ere, ez dute matrikula ordainduko, aldez aurretik ezarritako baldintzak betez gero. Baldintza horiek bete ezean, matrikula kobratuko zaie.*
- *Ikasturte amaierako beka jasotzeko eskubidea izango dute Beasainen erroldatuta dauden ikasleek eta diru-laguntza horiek emateko, diru-laguntzen araudian jasotakoa aplikatuko da.*
- *Ikasleak HABEtik ere jaso dezake diru-laguntzarik. Horretarako, A1,A2,B1 edo B2 mailaren atalasearen gaineko proba gainditu beharko du euskaltegian edo B1,B2,C1 edo C2 euskara mailak egiaztatzeko HABEk deituko dituen azterketak gainditu beharko ditu.*

## I ERANSKINA

### Baldintzak:

1. *Asistenzia %90 izatea (justifikatu daitezkeen faltak: LANBIDEk deitu izana edo medikuarengana joan izana).*
2. *Kuotak ez ordaintzea justifikatu egin beharko da. Ez ordaintzeko justifikazio arrazoi hauek onartuko dira:*
  - *Gaixotasuna.*
  - *Udalerritik kanpo bizitzera joan.*
  - *Lanean hasi, aldez aurretik langabezian egonez gero.*

*Horietakoren bat suertatuz gero, Euskaltegiari jakinarazi beharko zaio lehenbailehen baja eman ahal izateko eta ikasturteko ordaintzeke gelditzen diren kuotak ez dira kobratuko.*

Beste edozein arrazoirengatik baja emanaz gero, ikasturteko ordaintzeke galditzen diren kuota guztiak kobratuko dira.

3. Langabetuen kasuan, lanean hasiz gero eta ikasturtearekin jarraitu nahi izanez gero, ezer ez ordaintzetik kuota ordainduko dira jarraian adierazten den moduan:

- Klase orduen %10 bada, ez da kobratuko, langabetutzat joko da.
- Klase orduen %25 bada, %25 kobratuko zaio.
- Klase orduen %50 bada, %50 kobratuko zaio.
- Klase orduen %75 bada, %75 kobratuko zaio.
- Klase orduen %100 bada, %100 kobratuko zaio.”

Hitz egiteko txanda eman ondoren, bildutakoek proposamenarekiko adostasuna azaldu dute.

Bozketa eginda, aho batez onartu da proposamena.

#### **4.- LURRALDE BATZORDEKO PROPOSAMENAK.**

a.- BEASAINGO UDALERRIKO PARKEAK, LORATEGIAK, BERDEGUNEAK ETA BIDE-ZUHAIZTIAK MANTENDU, ZAINDU ETA HOBETZEKO ZERBITZUA KONTRATATZEA. BERTAN PARTE HARTZEA GIZA-EKINTZA ENPLEGU-ZENTRO BEREZIENTZAT ETA GIZARATERATZE-ENPRESA ARAUTUENTZAT GORDETAKOA. BALDINTZA PLEGUEN ALDAKETA.

Ezagutzera eman da Lurralde batzordearen proposamena, hau da, aipatutako zerbitzua kontratatzeke 2021-05-27an Plenoak onartutako baldintza pleguetan ondorengo aldaketa egitearena:

*“Beasaingo udalerriko parkeak, lorategiak, berdeguneak eta bide-zuhaiztiak mantendu, zaindu eta hobetzeko zerbitzua kontratatzea. Bertan parte hartzea enplegu-zentro berezientzat eta gizarateratze-enpresa arautuentzat gordetakoa”, esaten duen tokian, ondorengo esan behar du: “Beasaingo udalerriko parkeak, lorategiak, berdeguneak eta bide-zuhaiztiak mantendu, zaindu eta hobetzeko zerbitzua kontratatzea. Bertan parte hartzea giza-ekimeneko enplegu-zentro berezientzat eta gizarateratze-enpresa arautuentzat gordetakoa”*

Hitz egiteko txanda eman ondoren, bildutakoek proposamenarekiko ondorengo adierazi dute.

Bozketa eginda, aho batez onartu da proposamena.

b.- BALDINTZA PLEGUAK ONARTZEA ETA DEIALDI PUBLIKOA EGITEA, BEASAINGO UDALERRIAN ERAIKIN ETA LOKALEN GARBIKETA-ZERBITZUA ETA

## COVID-19 PANDEMIA EGOERAREKIN LOTUTAKO ERREFORTZU-GARBIKETEN ZERBITZUA KONTRATATZEKO.

Ezagutzera eman da Lurralde batzordearen proposamena aipatutako zerbitzua kontratatzeke baldintza pleguak onartzea eta kontratazioa deialdi publiko irekiaren bidez egitea, ondorengo xehetasunekin:

- 1.- *Prozedura*: irekia publizitatearekin. Lizitazio elektronikoa eta harmonizatua.
- 2.- *Izapidetzea*: arrunta
- 3.- *Loteak*: BI
- 4.- *Lizitazio prezioa*:

*SORTA 1 (Beasaingo udalerrian eraikin eta lokalen garbiketa-zerbitzua). Lizitazio mota hauek zehaztuko dute:*

- A. *URTEKO PREZIOA: 320.578,72 €+ BEZ*
- B. *ZERBITZU BEREZIAK EGITEKO ETA KONTRATUA ALDATZEKO PREZIOA, ORDUKO: 21,47 €/h €/h + BEZ*

*SORTA 2 (Covid-19 pandemia egoerarekin lotutako errefortzu-garbiketen zerbitzua): 18,73 €/orduko + BEZ*

5.- *Egikaritze epea*:

- 1. *Sorta*: 4 urte
- 2. *Sorta*: Seihileko 1

6.- *Luzatzeko aukera*:

- 1. *Sorta*: urtebete. Kontratuaren organoak 2 hilabete lehenago jakinaraziko du.
- 2. *Sorta*: 3 luzapen, bakoitza seihilekoa izanik. Kontratuaren organoak hilabete 1 lehenago jakinaraziko du.

7.- *Kaudimen ekonomiko eta finantzarioa*:

*Urteko negozio bolumena kontratuak xede duen esparruan, eskuragarri dauden azken 3 ekitaldietako negozio bolumen handieneko urteari dagokionez, lizitatuzailearen jardueren sorrera edo hasiera daten arabera eta eskaintzen aurkezpen daten arabera izango da gutxienez:*

1. *SORTA*:  $320.578,72 \times 1,5 = 480.868,08 \text{ €}$
2. *SORTA*:  $15.405,45 \times 1,5 = 23.108,13 \text{ €}$

*Zenbateko hori 87.3.a artikulua 2. paragrafoan adierazitako eran egiaztatuko da.*

8.- *Kaudimen teknikoa*:

- a) *Azken hiru urteetan zehar egindako lan eta zerbitzu garrantzitsuenen zerrenda, kontratu honen xedea osatzen duten zerbitzu edo lanen antzekoak. Gutxienez:*

1. SORTA = 224.405,10 €-ko
2. SORTA = 10.783,79 €-ko

zenbatekora (kontratuaren urteko batez bestekoaren % 70) iritsi beharko du zenbatekoak urterik onenean, eta behar bezala azalduko dira zenbatekoak, datak eta lan edo zerbitzu horien hartzaile publikoa edo pribatua.

Zerbitzu bat kontratuaren xedea den izaera bereko edo antzekoa den zehazteko, ezaugarrien koadro honetako 2. atalean adierazitako CPV koderak jo beharko da

9.- Aurkezteko epea, lekua eta ordua: 35 egun natural, lizitazio-iragarkia Europar Batasuneko Argitalpen Bulegora bidaltzen den egunetik zenbatzen hasita..

10.- Adjudikazio irizpideak:

SORTA 1

1) Balio judizio bidez baloratzeko irizpideak:

**Zerbitzu-proposamena:** Preskripzio teknikoen agirietan ezarritako ataza- eta maiztasun-koadroan oinarrituta, lizitatzailleek ikastetxeek eska ditzaketen garbiketa-lan espezifikoak aztertuko eta proposatuko dituzte, besteak beste, honako alderdi hauetan: espazioak eta altzariak desinfektatzea, azalaren eta altzarien mantentze-lanak errazten dituzten tratamenduak, ehunak garbitzea, maiztasunak hilerok, hiru hilean behin edo sei hilean behin handitzea, eta abar, ezarritako garbiketa-estandarra areagotzeko.

Kontuan hartu ahal izateko, eskaintzen dituen abantaila funtzionalak eta horiek gauzatzeko dauden baliabideak eta gauzatze egutegia azaldu beharko dira. Haien garrantzia eta definizio-maila baloratuko dira. %18a

Ez dira kontuan hartuko beste atal espezifiko batzuetan baloratu behar diren alderdiak, hau da, zerbitzuaren zuzendaritzari eta kontratuaren jarraipena egiteko bitartekoei buruzkoak eta erantzuteko gaitasuna eta zerbitzu bereziak.. Ez dira baloratuko doako orduen poltsak.

**Zerbitzuaren zuzendaritza eta euskarria:** Zuzendaritza eta euskarri egokia edukitzeak lagunduko du kontratuak helburu duen zerbitzua hobeto ematen. Horrenbestez, aintzat hartuko dira eta eskaintzan adierazi beharko dira emandako giza baliabideak.

Kontuan hartu ahal izateko, argibide zehatzak eman beharko dira (identifikazioa, prestakuntza eta esperientzia) honako eremu hauetan:

Zerbitzua zuzentzeko langileak, giza baliabideak, laneko arriskuen prebentzioa, prestakuntza, administrazioa, ikuskapena eta kalitate-kontrola.

Gainbegiratze eta kalitate-kontrolerako ataletan, prestakuntza eta esperientziak gain, kide kopurua adierazi beharko da.

Ez dira gehituko subrogatuko diren langileak. %6a

**Kontratuaren jarraipena egiteko bitartekoak:** Baloratuko dira eta eskaintzan adieraziko dira bezeroaren eskura jarri diren baliabideak kontratua betetzen denari buruzko informazioa izan dezaten: adibidez, bertara atxikitako langileen egoera, zerbitzuen taula edo jazoeren kudeaketa. %6a

**Erantzuna emateko ahalmena eta zerbitzu bereziak:** Zerbitzu bereziak, osagarriak edo presakoak emateko dauden bitartekoak eta espezialitateak adieraziko dira, hala nola, obra ondoko garbiketak, egoera katastrofikoak (uholdeak, suteak, lur-jausiak, etab.), garbiketa bereziak (ehunak, fatxadak, covid desinfezioa, eta abar). Ez dira baloratuko hirugarren enpresen bidez egindako zerbitzuak (azpikontratatuak), enpresa lizitatzailaren orrian daudenak baizik. %5a.

2) Formula automatikoen bidez baloratzeko irizpideak:

URTEKO PREZIOA: %50a (formula)

0 puntu emango zaizkio lizitazioaren oinarrizko aurrekontua berdintzen duen eskaintzari, eta 2 puntu gehituko zaizkio % 1eko beherapen bakoitzeko; gehienez 100 puntu emango dira, beherapenen batek % 50 gainditu ezean, orduan 100 puntu emango baitzaizkio, eta gainerakoa interpolatu egingo da.

$B_{max} \leq 50\% \gg P = 200 \times B$

$B_{max} > 50\% \gg P = 100 \times B / B_{max}$

Izanik,

*P:* Baloratu beharreko eskaintzaren puntuazioa.

*B:* Baja =  $1 - (\text{Eskaintako prezioa}) / (\text{Lizitazioaren gehieneko aurrekontua})$ .

*B<sub>max</sub>:* Onartutako gehieneko beherapena.

Horrela lortutako emaitzari atal ekonomiko honek puntu kopuru osoan duen portzentajea aplikatuko zaio.

**OHI DENA BAINO GUTXIEGIZKO ESKAINTZATZAK**

Eskaintza neurrigabeak edo ohiz kanpokoak direla pentsatuko da, onartutako eskaintzen batez bestekoa baino 15 puntu beherago dauden eskaintzak. Eskaintza ekonomikoaren bideraezintasuna zehazteko parametro objektibotzat hartuko dira soldata-betebeharrei, gizarte-segurantzako kotizazioei, absentismoari, prestakuntzari, mediku-azterketei eta abarri erantzuteko beharrezkoak diren kostuak estaltzera iristen ez direnak.

**ZERBITZU BEREZIAK EGITEKO ETA KONTRATUA ALDATZEKO PREZIOA,**

ORDUKO: %15a (formula)

0 Puntu emango zaizkio gehieneko prezioari (21.36 €/orduko), eta 2 puntu gehituko zaizkio % 1eko beherapen bakoitzeko; gehienez 100 puntu emango dira, beherapenen batek % 50 gainditu ezean, orduan 100 puntu emango baitzaizkio, eta gainerakoa interpolatu egingo da.

$B_{max} \leq 50\% \gg P = 200 \times B$

$B_{max} > 50\% \gg P = 100 \times B / B_{max}$

Izanik,

*P:* Baloratu beharreko eskaintzaren puntuazioa.

B:  $Baja = 1 - (Eskainitako\ prezioa) / (Lizitazioaren\ gehieneko\ aurrekontua).$   
 Bmax: Onartutako gehieneko beherapena.

Horrela lortutako emaitzari atal ekonomiko honek puntu kopuru osoan duen portzentajea aplikatuko zaio.

**OHI DENA BAINO GUTXIEGIZKO ESKAINTZATZAK**

Eskaintza neurrigabeak edo ohiz kanpokoak direla pentsatuko da, onartutako eskaintzen batez bestekoa baino 15 puntu beherago dauden eskaintzak. Eskaintza ekonomikoaren bideraezintasuna zehazteko parametro objektibotzat hartuko dira soldata-betebeharrei, gizarte-segurantzako kotizazioei, absentismoari, prestakuntzari, mediku-azterketei eta abarri erantzuteko beharrezkoak diren kostuak estaltzera iristen ez direnak.

**SORTA 2**

**1) BALIO JUDIZIO BIDEZ BALORATZEKO IRIZPIDEAK.**

Irizpidea	Haztapen
Zerbitzua antolatzeko proposamena, Preskripzio Teknikoen Agirian (C Eranskinean), Covid garbiketen atalean aurreikusitako garbiketa-beharren arabera	20%

- Esleipen-irizpideak enpresek emandako informazioaren arabera baloratuko dira, eta Beasaingo Udala ez dago behartuta zehaztugabeak diren edo aipatzen ez diren alderdiei buruzko argibiderik eskatzera.

- Azterketa eta ulermena errazteko, aurkeztutako dokumentazioak 3 orri (A4) izango ditu gehienez, aurkibiderik gabe, alde bakarretik, Arial 11 letra-motarekin eta 1,5 lerroarteko tartearekin. Aurkibide bakarra eta orrialdekatua izango du. Euskarri elektronikoan aurkeztuko da (PDF fitxategi bakarra).

- Aurkeztutako dokumentazioak orrien gehieneko kopurua gainditzen badu, puntu 1 gutxiago emango zaio bertan lortutako puntuazioari, ezarritako muga gainditzen duen orri gehigarri bakoitzeko.

- Letra-tipoa edo lerroartekoa errespetatzen ez bada, lortutako azken puntuaziotik 5 puntu kenduko dira automatikoki.

**2) FORMULA AUTOMATIKOEN BIDEZ BALORATZEKO IRIZPIDEAK.**

Irizpidea	Haztapen
-----------	----------

1	<i>Covi-19ren pandemiaren egoerari lotutako errefortzu-garbiketen prezioa orduko</i>	% 80
---	--	------

*0 Puntu emango zaizkio gehieneko prezioari (21.36 €/orduko ), eta 2 puntu gehituko zaizkio % 1eko beherapen bakoitzeko; gehienez 100 puntu emango dira, beherapenen batek % 50 gainditu ezean, orduan 100 puntu emango baitzaizkio, eta gainerakoa interpolatu egingo da.*

$$B_{max} \leq 50\% \ggg P = 200 \times B$$

$$B_{max} > 50\% \ggg P = 100 \times B / B_{max}$$

*Izanik,*

*P: Baloratu beharreko eskaintzaren puntuazioa.*  
*B: Baja = 1 - (Eskaintako prezioa) / (Lizitazioaren gehieneko aurrekontua).*  
*Bmax: Onartutako gehienezko beherapena.*

*Horrela lortutako emaitzari atal ekonomiko honek puntu kopuru osoan duen portzentajea aplikatuko zaio.*

#### **OHI DENA BAINO GUTXIEGIZKO ESKAINTZATZAK**

*Eskaintza neurrigabeak edo ohiz kanpokoak direla pentsatuko da, onartutako eskaintzen batez bestekoa baino 10 puntu beherago dauden eskaintzak. Eskaintza ekonomikoaren bideraezintasuna zehazteko parametro objektibotzat hartuko dira soldata-betebeharrei, gizarte-segurantzako kotizazioei, absentismoari, prestakuntzari, mediku-azterketei eta abarri erantzuteko beharrezkoak diren kostuak estaltzera iristen ez direnak.”*

Hitz egiteko txanda eman ondoren, iritzi hauek azaldu dira:

Eva Alvarez Atanes ((Socialistas Vascos-Euskal Sozialistak): “En coherencia con nuestro pronunciamiento anterior, ahora también vamos a votar en contra. Seguimos sin entender por qué se hacen dos lotes. Además existe el riesgo de que ese segundo lote quede desierto por falta de interés, como ha ocurrido en otra licitación. En nuestra opinión la misma empresa que presta el servicio de limpieza de edificios, debería también prestar el servicio objeto del segundo lote, porque ello permitiría incrementar las jornadas de los trabajadores que no la tienen completa. Hay alguno que no llega ni al 50% de la jornada. Votamos en contra.”

Nerea Manzidor Mendizabal andreak (Beasaingo EH Bildu): “Lehen baiezkua azaldu genuen eta orain ere bai, baina batzordean egindako hausnarketa partekatu nahi dugu: bai lorategiaren kasuan eta baita ere kontratazio honetan azpikontratazioa izateak ondorioak ditu eta kasu hauetan etengabe azkeneko hilabetetan gauza bat edo beste dela eta, errepikatzen aritu beharra. Honekin ez dugu inolako teknikari edo idazkariaren lana zalantzak jarri nahi, inondik eta inora, baina iruditzen zaigu (ibiltzen zaionari pasatzen zaio) agian lana egiteko sistema, erritmoak, batzorde eta plenorako ekartze horrek hanka sartzeak sortzen dituela. Esleipenak behin eta berriz ateratze honekin eta boletinean argitaratze horrekin, Udalaren irudia ere...”

Alkate andreak (EAJ-PNV): “Batzordean luze jardun ginen bi lote zergatik behar ziren eta zergatik kontsideratzen zen hobe, kontuan hartuta zuk esaten dituzun inguruabar



horiek ere hor daudela (langileak %50eko lanaldia izatea kasu batzuetan). Hala ere hobetsi zen bi lote egitearen onurak zeintzuk ziren. Aldaketa egin behar horrekin aprobetxatu da hobekuntza txiki batzuk egiteko, baina bi lote izate hori mantendu egiten da.

Erritmoa exigentea da. Administrazioan hainbat esleipenen epemugak iristen dira, berriak martxan jarri behar dira eta denok jasotzen dugu dokumentaziotik badakigu lan uztarketa ez dela hain erraza izaten eta edozein akats egitea ere ez dela batere zaila. Beasaingo Udalaren imajina boletinean argitaratzen denean esaten da, baina boletina begiratzen badugu ea egunero ikusten ditugu akats zuzenketak handik eta hemendik, prozesu hauek konplexuak direlako, geroz eta inpugnatzeko ohitura areagotzen ari delako, bakoitzak bere eskubideak aldarrikatu nahian eta horrek denak ekartzen digu, tamalez, atzera pausoa ematea, inpugnazioan sartu, OARCera joan eta ateratzeko denbora luzatu ekidite aldera. Baina batzordean ere esan zen, honek ez du esan nahi ikusita zein exigentzi maila duten plegu hauek eta etorriko direnak, etorkizunean ere horrelakorik gertatuko ez denik.”

Bozketa eginda, ondorengo emaitza lortu da:

Aldeko botoak: 14 (EAJ-PNV, Beasaingo EH Bildu)

Aurkako botoak: 2 (Socialistas Vascos-Euskal Sozialistak)

Abstentzioak: 0

Etorri gabea: 1 (EAJ-PNV)

Horren ondorioz, gehiengo osoarekin onartu da proposamena.

**5.- MOZIOA.** Beasaingo EH Bilduk aurkeztutako mozioa, Beasaingo udalerrian kultura-sektorea leheneratzea eta suspertzeari buruz.

Aldez aurretik udal taldeen artean adostuta, mozioa mahai gainean geratu da eta horren ondorioz, ez da tratatu.

Aldez aurretik Alkateari hitza eskatuta, Nerea Manzidor Mendizabal andreak (Beasaingo EH Bildu) ondorengo esan du: "Gure asmoa mozioa aurkeztu genuenean izan zen hausnarketa egitea eta udal alderdiekin zein den kulturaren egoera partekatzea. Irakurketa egiten da egoera kontestualizatuz. EAJk helarazi zigun bere kontramozioa eta iruditzen zaigu guk aurkeztutako mozioaren aurrean EAJk baiezkoa ematea ez dela oso zuzena. Mozio hau bertan behera uztea erabaki genuen, ez dugulako joku horretan sartu nahi. Azkenean, zuk aurkeztutako mozioa horretan kontestualizazio guzti hori kentzen da eta hartu beharreko konpromisoak funtsean oso antzekoak dira. Beraz, zalantza sortu zitzaigun, hau da, guk aurkeztutako mozioarekiko partekatzeko aukera izateari buruz. Gure sentsazioa legealdi hasieratik da, gu bidali testu bat eta zuek esan hau da guk adosteko duguna eta testu horretan ez bagara sartzen ez dago adosteko aukerarik. Kasu honetan bertan behera utzi dugu mozioa ez sartzearren jolas horretan."

Alkate andreak (EAJ-PNV): "Kasu honetan zuk esaten duzun kontestuko irakurketa hori interpretatu daiteke orain arte Beasaingo udalak kultur ekimenak sustatzearen alde ezer gutxi egin duela. Gure ustetan ez da horrela. Kontatuko bagenu zenbat ekintza antolatu diren COVID garaian eta azken urteotan: antzerki garaia eta Igartza musika martxan egon dira eta maiatzean hainbat ekintza kultural programatu dira frontoian segurtasun neurriak kontuan hartuta. Orain zatozte kultur ekintzak suspertzeko, baina horrelakoak antolatu izan ditugunean zuen zalantzak adierazi izan dituzue han eta hemen. Soka dantzan bueltan ere.... Zer da ba soka dantza, nortasuna eta kultura ez bada?. Nik uste

dut gauza ulertzeko modu ezberdinak ditugula. Mozioarekin ados egon gaitzke zati batean, zeren eta mozioak gure jarduna mahai gainean jartzen du.”

Nerea Manzisidor Mendizabal andreak (Beasaingo EH Bildu): “Mozioak ez du inolako momentuan zalantzan jartzen Beasainek kulturari eutsi ez dionik. Ez dut uste gure aldetik hori inoiz salatu dugunik. Guk esan dugu segurtasun neurriekin egiteko zegoena, egiteko. Aipatzen duena da egoera orokorra COVIDek sortutakoa, baina ekintza kulturaletako aurrekontuan aurreikusia dagoenari eusteko konpromisoa hartzen du. Ez du kritikarik egiten. Aipatu duzuna soka dantzarena, ez du zer ikusirik kultur ekimena babestearekin. Guk orduan azaldu genuena zen herritarrei deia egiten ari ginela festak ez egiteko eta ez zuela zentzurik guk udal agintari bezala soka dantza egitea. Jendeak ulertu zezakeen kontraesana zegoela herritarrek festa egin ez izatea eta aldiz, udal ordezkariak festarekin lotura zuzena duen ekintza bat egitea. Guk gaizki ulertu horiek salbuetsi nahi genituen.”

Alkate andreak (EAJ-PNV): “Nik esan nahi nuena zen soka dantza gure nortasun iturri eta kultura dela eta zuek esan zenuten ez zenutela parte hartuko eta nuen hitza hartu eta aldatu egin genuen formatoa.”

## **6.- BERRI EMATEA :**

Ezagutzera eman dira ondorengo Ebazpenak:

- 2021eko maiatzaren 24tik ekainaren 27arte emandako Ebazpenak.
- 2021eko maiatzaren 24tik ekainaren 27arte emandako Ebazpenak kontratu txikiei buruz.

## **7.- ESKAERA ETA GALDERAK**

Eskaera eta galderen atalean honelakoak aurkeztu dira:

### **ATXILOKETAK**

Nerea Manzisidor Mendizabal andreak (Beasaingo EH Bildu): “Atzo atxiloketa bat izan zen hemen eta Bizkaian beste pare bat. SARE saiatu da Beasaingo udal ordezkariekin egoten, adierazpen instituzionala adosteko. Atzo helarazi zitzaizue. Gobernu batzordean komentatu dugu datorren astearteko bozeramaile batzordean tratatzeko. Guk, hala ere, aprobetxatu nahiko genuke udalbatza gure hausnarketa egiteko eta gure kritika egiteko atxiloketa honen inguruan. Errezeta zaharrak dira. Herri honek bizikidetzaren aldeko autoa egin du eta gaur egun horrelako jokaerak ez ditugu ulertzen. Ordu gutxi barru libre gertu zen baina sustoa berarentzat eta bere familiarentzat inork ez die kentzen. Eskatuko genizueke, SAREko testua adostea udal bezala salatzeke, kontuan hartuta bizikidetzamahaiaren parte hartzen dugula eta errespetuz jokatzeko.”

Alkate andreak (EAJ-PNV): “Esan bezala Gobernu Batzordean horrela komentatu dugu eta helburu bezala jarriko dugu SAREk bidalitako testua aztertzea eta ea datorren astearterako posizio amankomun batera iristen garen, adierazpen hori martxan jartzeko.”

Eva Alvarez Atanes ((Socialistas Vascos-Euskal Sozialistak): “Hemos comentado de tratarlo en la próxima Junta de Portavoces, pero ante este tema que vosotros traéis me sorprende que no se proponga tratarlo en la mesa de convivencia que tendremos este

lunes, porque cuando nosotros presentamos la moción sobre las víctimas del nazismo, se propuso trabajarlo ahí, al no tener causa en la creación de la mesa de convivencia.”

Nerea Manzidor Mendizabal andreak (Beasaingo EH Bildu): “Tratatu behar dugu baina SAREk luzatu die proposamena udal ordezkarietara. Gauza bat da guk testua adostu eta beste bizikidetzara mahaian tratatzea.”

Hasier Agirre Elkoroberezibar jaunak (Beasaingo EH Bildu): “Pentsan atera da CAFeko langile batzordeak Beasaingo Udalarira eskatu diola, amiantoarekin lotutako eskultura horri beste leku batean kokatzeko, kontuan izanda uholdeak saihesteko egingo diren obrak eragina izango dutelako orain dagoen tokian. Guk bat egiten dugu eskaera horrekin eta gustatuko litzaiguke kontuan hartzea eskaria, iruditzen zaigulako CAFekoa bakarrik ez dela eta Beasaindik haratago doala”.

Alkate andreak (EAJ-PNV): “Eragile ezberdinekin bilera eguna jarrita dugu. Oker ez banago uztailera erdialdean. 12an edo. Saiatuko gara toki duin bat bilatzen”

Eta tratatzeko besterik ezean bileran arratsaldeko zazpiak eta berrogeita bostetan amaitu da eta nik, idazkari naizen honek akta hau idatzi eta sinatu dut.